

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 01-433/17

Sarajevo, 06.02.2017. godine

Na osnovu čl. 73. st. (5) i (7) i 124. stav (2) Zakona o visokom obrazovanju ("Službene novine Kantona Sarajevo", br. 42/13 - prečišćeni tekst i 13/15), čl. 92. stav (2) i 126. Statuta Univerziteta u Sarajevu i prijedloga dekana Elektrotehničkog fakulteta u Sarajevu (broj: 02-50/17 od 06.01.2017. godine), Vijeće Elektrotehničkog fakulteta u Sarajevu na 20. redovnoj sjednici, održanoj 06.02.2017. godine, donosi

ODLUKU

o načinu i proceduri promjene statusa redovnog studenta u studijskoj 2016/2017. godini

I

Ovom odlukom utvrđuje se način i procedura promjene statusa redovnog studenta na prvom i drugom ciklusu studija, i to:

- prelazak iz statusa redovnog studenta - troškove studija snosi student (samofinansirajući studij), na redovan studij - troškove studija snosi osnivač, kao i
- prelazak iz statusa redovnog studenta - troškove studija snosi osnivač, na redovan studij troškove studija snosi student (samofinansirajući studij).

II

Student koji je snosio troškove plaćanja studija (samofinansirajući studij), položio sve ispite u studijskoj godini koju pohađa prvi put i postigao prosječnu ocjenu najmanje osam (8), stiče status redovnog studenta – troškove studija snosi osnivač.

Student može imati status redovnog studenta – troškove studija snosi osnivač, samo na jednom studijskom programu.

III

Student koji želi ostvariti pravo na promjenu statusa iz tačke II ove odluke, podnosi Studentskoj službi Elektrotehničkog fakulteta u Sarajevu zahtjev za promjenu statusa, a kao dokaz prilaže indeks.

IV

Na osnovu zahtjeva iz tačke III ove odluke, Studentska služba Elektrotehničkog fakulteta u Sarajevu vrši provjeru uslova iz tačke II ove Odluke i dostavlja dekanu popis studenata koji su ispunili uslov za promjenu statusa.

V

Konačnu odluku o promjeni statusa studenta iz tačke II ove odluke donosi dekan i o tome izvještava Vijeće Elektrotehničkog fakulteta u Sarajevu.

VI

Redovni student koji se finansira sredstvima osnivača, gubi taj status kada dva puta zaredom obnovi istu studijsku godinu i ne ispuni uslove za upis u narednu studijsku godinu, ali može nastaviti studij u statusu redovnog studenta - troškove studija snosi student (samofinansirajući studij).

VII

Na osnovu službene evidencije Studentske službe, prije početka nastavnog procesa u novoj studijskoj godini utvrđuje se lista studenata kojima temeljem tačke VI ove odluke prestaje status redovnog studenta – troškove studija snosi osnivač.

VIII

Na osnovu evidencije o studentima koji dva puta zaredom obnavljaju istu studijsku godinu i nisu ispunili uslove za upis u narednu studijsku godinu, konačnu odluku o promjeni statusa studenta iz tačke VI ove odluke donosi dekan i o tome izvještava Vijeće Elektrotehničkog fakulteta u Sarajevu.

IX

Ova odluka stupa na snagu danom donošenja, a primjenjuje se za studijsku 2016/2017. godinu.

Obrazloženje

Zakonom o visokom obrazovanju i Statutom Univerziteta u Sarajevu propisano je pravo i mogućnost za promjenu statusa studenta redovnih studenata (koji se finansiraju sredstvima osnivača i gdje troškove studija snosi student), kao i uslovi za naprijed navedenu promjenu. U cilju preciziranja procedure u postupku ostvarivanja zagaraniranih prava studenata, nastojeći stimulirati studente za ostvarivanje što boljeg uspjeha tokom studija, a vodeći i računa o mogućnostima Elektrotehničkog fakulteta u Sarajevu, dekan Elektrotehničkog fakulteta u Sarajevu predložio je donošenje odluke kojom će se regulirati predmetno pitanje u studijskoj 2016/2017. godini. Vijeće Elektrotehničkog fakulteta u Sarajevu jednoglasno je usvojilo naprijed navedeni prijedlog, te je u navedenom smislu i iz navedenih razloga odlučeno kao u dispozitivu.

DEKAN

Prof. dr Samim Konjicija

Dostaviti:

1. Dekan
2. Prodekan za nastavu
3. Prodekan za opšte i finansijske poslove
4. Studentska služba
5. Web stranica
6. Uz zapisnik
7. a/a